



14年前拍《愛與誠》 基仔定欣再續前緣

香港文匯報訊 古巨基新歌MV《亂世情侶》前日出街。今次MV女主角找來基仔老拍檔胡定欣演出。定欣在14年前曾為基仔的《愛與誠》MV任女主角，今次二人再演情侶，為了儲錢計劃結婚，各自忙碌工作令感情生變，基仔與定欣對此都深有感觸。

基仔與定欣對上一次合作原來已經是14年前，當時定欣為基仔《愛與誠》MV任女主角。講起往事，他倆都互笠高帽，大讚對方完全有變過，基仔說：「好特別呀個感覺，我哋頭先傾偈，都話眨下眼就過咗咁多年。所以可以再邀請佢（胡定欣）來拍我的MV，我係非常開心。佢拍劇時間好忙，好耐冇為人做MV女主角，所以我在此要特別多謝佢。好多人所講的『回憶殺』，我認我哋今次再拍MV就係喇。」

MV講述一對情侶大家為儲錢計劃結婚，各自忙碌工作令感情生活有變，女方返office經常OT，男方就在倉務員返通宵班，看似一齊計劃將來，但其實忘記了身邊人。最後有所領悟的基仔跑去定欣公司找她，是一個touching的結局。基仔表示：「為咗計劃將來，但忘記咗現在，忘記咗兩個走埋一齊的最初意義，所以呢隻歌加埋呢個故事，係一個愛情上幾大感觸的古仔。」定欣亦有感而發道：

「唔單止係返office工有咁嘅情況，其實我哋做呢行都係有日有夜，好多好重要的moments或者好似首歌講人與人之間最緊要那份感情、過程中緊扣的感覺缺乏㗎。」

定欣勾起打秘書工回憶

在office拍攝還勾起了定欣入行前的回憶，她說：「我做過兩年秘書先至入行，同理覺得返office呢件事好貼地呀，哈哈。」而今次拍攝MV，可說是定欣「出山」之作，「我舊年五月做完舞台劇之後，就有做過戲啦！所以今日係我第一日返工，哈哈。我頭先都覺得係時候pick up返。」

除了唱和演，今次MV亦由基仔親自執導，在拍攝過程中提供不少指導，每拍完一個shot，基仔都會走到鏡頭後睇playback，十分認真，定欣表示：「基仔解說

MV故事時解釋得好詳盡，今朝在車上面聽佢講時，我已經好有畫面、好感動，可能因為人太咗、或者經歷多咗，對呢啲事會好感受到。」基仔亦不忘大讚定欣演技一流，「定欣當年幫我拍完《愛與誠》後，一直努力拍劇甚至兩奪視后，絕對係好戲之人！有好多場戲定欣都係一take過，而且有好幾個位我都睇到眼紅紅。」

張紋嘉不敢再同居

香港文匯報訊（記者李思穎）張紋嘉（Crystal）昨日到商台宣傳新歌《獨立單位》，故事描述獨居女生，現實中的Crystal亦已獨居9年，早已習慣一個人的生活，唯一是她懶得執拾屋企，現時家中有三座「衫山」。

Crystal坦言：「就算男友上來探訪，也不會刻意執拾，慶幸每周有鐘點姐姐上來清理，對方幫了我十多年，通常她執完屋，我都要致電問她東西擺放在哪裡。」

她自言年少時曾經跟前男友同居，「大家相處一段很短時間已經不能適應，朋友都稱他做訓導主任，他對我很惡，又會點我做家務，份人很計較，又會管制住我回家時間，最後我被『飛』，不過朋友都說我是脫苦海，經此一役，對同居生畏。」至於現時感情生活，她開心說：「都不錯，但不敢再同居，我也明白拍拖需要適應對方生活習慣，可是我都很需要私人空間。」



香港文匯報訊 薛凱琪（Fiona）近日獲邀出任內地城市成都的「新經濟城市品牌代言人」，大會指Fiona在歌、影、視三棲發展，與成都的城市發展信念非常一致，所以邀請她做「城市」代言人。Fiona就話今次責任重大，代表整個城市做代言：「以前做過好多品牌代言，都係實體Product比較多，今次做城市代言人就比較虛無，可能佢哋睇中我係演員同歌手之外，仲做過美指、導演，相對上比較多元化，所以我都要做好自己，如果唔係就失禮成個城市。」

最近Fiona積極開拓自己的服裝品牌，邁向「薛老板」行列：「咁做藝人好鍾意衫，比較留意潮流，可以將自己興趣變成生意，個感覺都幾幸福。其實今次代言其中一個理念，都係鼓勵年輕人嚟創業方面勇敢作出新嘗試，去追尋自己的夢想，未來有機會都想同當地年輕人交流心得，傾下大茶飯！」

李準基獲邀支持美國義賣

香港文匯報訊 韓國男星李準基將於3月10日來港假亞博館舉行「2018-19 Lee Joongi Asia Tour『Delight』in Hong Kong」。演唱會門票將於下周二公開發售，票價最高為\$1,580。



剛踏入2019年，李準基就投入慈善工作，參與由美國義賣平台「Represent」為期兩周的義賣籌款活動。該平台早前曾與里安納度（Leonardo DiCaprio）、「變形俠醫」麥克雷法路（Mark Ruffalo）等荷里活巨星合作做善事，而他們認為李準基形象健康正面，所以力邀他成為首位攜手合作的韓國演員。李準基則表示希望將自己獲得的愛和支持回饋給社會，並呼籲大家可以多多支持。

此外，李準基早前在IG上載照片向粉絲送上新年祝福。他首先感謝大家在2018年的支持，並承諾來年會以更好的演員身份來報答大家的喜愛。



張紋嘉已獨居9年。

「攞仔照」惹閃婚之疑 Aka澄清：他是表弟

香港文匯報訊（記者吳文釗）Super Girls成員Aka昨日到電台宣傳她首次以個人名義推出的新歌《你在聽嗎？》，對於日前她上載攞仔照片並表示有消息公佈，惹來不少人猜測閃婚，Aka笑言要令大家失望，因為她現在仍單身，未有男友。

首次個人名義出歌的Aka坦言心情緊張兼失眠，擔心自己是女團出身，沒人會留意她的歌唱技巧，她說：

「開心之前得到偶像容祖兒的鼓勵，但我錄歌時都想好不好給祖兒聽，擔心她會很忙不會理會，但她竟然回覆一大段錄音鼓勵我，叫我要努力練習，要唱現場都要有在錄音室的質素，我開心到重複聽20次。」至於她網上故弄玄虛引得網民以為她閃婚，Aka笑道：「因為趕時間才簡單打了4個字，我還沒有男友，要令大家失望了。」提到相片中男方似她的排開

舊愛吳堯坤，Aka否認道：「當然不是，那位是我表弟，但都要多謝坤哥轉發消息，錄音時我也有問過他的意見，因為他是前輩，也是個好叻的人。」



林嶺東喪禮 家屬低調進行 發哥發嫂趕返港送別故友



香港文匯報訊（記者吳文釗）金像獎導演林嶺東上月底突然在住所離世，享年63歲，消息震驚電影圈，其家屬昨日於寶福山紀念館福海堂設靈，今日早上11時出殯。家屬遵從林導演遺願以低調、私人形式進行喪禮，見靈堂佈置簡單，設有屏風和白布遮擋，不讓傳媒拍照，以閉門形式進行喪禮。

靈堂內見擺放穿上西裝的林嶺東遺照，旁邊有

白色和粉紅色玫瑰花包圍，橫匾則寫上「永遠懷念」。家屬曾表示各界不用來送別，也不用送花籃、花牌等，但林導演生前眾多好友包括王家衛、曾志偉、余文樂、黎耀祥夫婦、張智霖夫婦等都有送上花牌。

有份籌備喪禮的杜琪峯導演，昨午四時多已到靈堂幫手打點，他到場時一臉嚴肅快步走入靈堂。

傍晚6時許，跟林嶺東相識多年的周潤發，拖住太太「發嫂」一同到來，二人身穿全黑素色衣服，神情哀傷。發哥見傳媒在場也有揮手致意，發嫂就透露他們剛從澳門工作完回港，帶點疲倦下婉拒接受訪問。發哥逗留差不多一個小時，拖住發嫂步出靈堂，問到發哥今早會否送故友最後一程，他沒有回應，與太太一同坐電梯離開。